

Ingevolge die transaksie het Remgro 10 Nampak-aandele verkoop vir elke 100 besit. Die prys per gewone aandeel was R15.13 en Remgro het R131.3 miljoen op 31 Oktober 2005 ontvang. Na die transaksie sal Remgro se belang in Nampak tot ongeveer 13.5% verwater.

Rand Aksepbank Beherend Beperk (RABB)

Met die bekendmaking van sy resultate vir die jaar geëindig 30 Junie 2005, het RABB aangekondig dat hy 'n kapitaalvermindering van R1.00 per gewone aandeel sou maak. Remgro het R274 miljoen op 7 November 2005 ontvang.

Distell Groep Beperk (Distell)

Distell het op 21 September 2005 'n nuwe SEB-vennoot aangekondig. Ingevolge hierdie transaksie sal Distell 15% van sy bedryfsmaatskappy verkoop vir 'n verkoopprijs van ongeveer R869.4 miljoen.

Medi-Clinic Korporasie Beperk (Medi-Clinic)

Medi-Clinic het op 4 Oktober 2005 sy swartbemaatigingsinisiatief en kapitaalherstrukturering aangekondig. Die inwerkingtreddingsdatum van hierdie skema is 19 Desember 2005.

Ingevolge hierdie transaksie sal Medi-Clinic se strategiese swart vennote ongeveer 14.9 miljoen gewone aandele op 'n pro rata-basis van alle aandeelhouers koop in die verhouding van 4.25 gewone aandele vir elke 100 gewone aandele besit. Die voorgestelde prys per gewone aandeel sal R18.40 bedra en gevolglik sal Remgro R139.5 miljoen ontvang. Medi-Clinic sal terselfdertyd ook 44.3 miljoen gewone aandele aan die SEB-konsortium en 'n trust gestig tot voordeel van deelnemende werknemers uitreik. Die gevolg hiervan is dat Remgro se belang in Medi-Clinic van 51.0% soos op 30 September 2005 tot ongeveer 43.4% sal verwater. Gevolglik sal Medi-Clinic nie meer gekonsolideer word nie maar as 'n geassosieerde maatskappy verantwoord word.

DIVIDENDVERKLARING

Hiermee word kennis gegee dat 'n tussendividend van 133 sent (2004: 116 sent) per aandeel verklaar is ten opsigte van beide die gewone aandele van een sent elk en die ongenoteerde B-gewone aandele van tien sent elk, vir die halfjaar wat op 30 September 2005 geëindig het.

Belangrike datums:

Laaste dag van verhandeling ten einde vir die tussendividend te kwalifiseer	Vrydag, 6 Januarie 2006
Verhandelinge op of na hierdie datum sal met uitsluiting van die tussendividend wees	Maandag, 9 Januarie 2006
Rekorddatum	Vrydag, 13 Januarie 2006
Betaaldatum	Maandag, 16 Januarie 2006

Aandeelhouers mag nie in die periode van Maandag, 9 Januarie 2006, tot Vrydag, 13 Januarie 2006, beide datums ingesluit, hulle aandeelsertifikate dematerialiseer/rematerialiseer nie.

Geteken namens die raad van direkteure.

Johann Rupert

Voorsitter

Stellenbosch

24 November 2005

Thys Visser

Hoofuitvoerende beampte

OORGANGSVERSLAG – OORGANG NA INTERNASIONALE FINANSIËLE RAPPORTERINGSTANDAARDE (IFRS)

Nota: Hierdie moet saam met paragraaf 2 van die tussenverslag gelees word.

Om die impak van IFRS op Remgro se resultate en finansiële posisie te toon, is inligting wat voorheen gerapporteer is ingevolge SA AARP, hersaamgestel op 'n vergelykbare basis ingevolge IFRS en gerekonsilieer. Hierdie hersamestelling volg die riglyne uiteengesit in IFRS 1: *Eerste Oorgang na IFRS*.

Dit is belangrik dat kennis geneem word dat die finansiële inligting, wat onderhewig is aan die nota hierbo, voorberei is in ooreenstemming met die IFRS-standpunte, wat na verwagting op 31 Maart 2006 van krag sal wees. Die IFRS-standpunte is onderworpe aan voortdurende hersiening en moontlike aanpassing deur middel van verklarende riglyne vanaf die Raad vir Internasionale Rekeningkundige Standaarde. Verder moet kennis geneem word dat die aanbidding van die oorgang na IFRS op jaareinde, sowel as die uittreksels van die inkomste- en balansstate, mag verander.

Die grondslag van die aansuiwerings, netto van die belastinguitwerking, soos uiteengesit in die rekonsiliasie van ekwiteit en die inkomstestaar hieronder, is soos volg:

Na-aftreevoordele

Voorheen het Remgro gekies om die korridormetode te gebruik vir die erkenning van aktuariële winste en verliese.

Volgens IFRS 1 het Remgro gekies om op die oorgangsdatum alle opgelope aktuariële winste en verliese in ekwiteit te erken. Toekomstige aktuariële winste en verliese sal voortaan erken word deur die gebruik van die korridormetode.

Eiendom, aanleg en toerusting

Voorheen is eiendom, aanleg en toerusting afgeskryf op 'n reguitlynbasis tot hul beraamde reswaardes. Hierdie reswaardes is bepaal op die aankoopdatum en is nie jaarliks heroorweeg nie.

IFRS vereis dat wesentlike gedeeltes van eiendom, aanleg en toerusting afsonderlik geïdentifiseer word en die reswaardes hiervan op elke balansstaatdatum herbereken word. Waardevermindering word gestaak wanneer die drawaarde van 'n bate gelyk is aan sy reswaarde.

Aandeelgebaseerde betalings

Remgro en sy filiale bedryf verskeie ekwiteitskikkende aandeelgebaseerde vergoedingsplanne. In die verlede het Remgro homself verskans deur dieselfde aantal aandele in die mark te koop as wat aan deelnemers aangebied is. Dit het die effek dat geen nuwe aandele uitgereik hoef te word wanneer aandele aan deelnemers gelewer word nie. Remgro se enigste werklike koste is die verskil (indien enige) tussen die aankoopprys van die aandele en die inskrywingsprys wat deur die deelnemers betaal word wanneer die aandele aan hulle gelewer word. In die verlede is hierdie koste gelykmatig oor 'n tydperk van vier jaar teen netto inkomste en wesensverdienste verantwoord, met 'n ooreenstemmende krediet teen ekwiteit.

IFRS vereis dat die billike waarde van die aanbod bereken word op die dag wat dit gemaak word en as 'n personeelkoste oor die vestigings tydperk van die aanbod verantwoord word, met 'n dienoreenkomstige toename in ekwiteit, gebaseer op Remgro se beraming van aandele wat uiteindelik sal vestig.

Klandisiewaarde

'n Wesentlike aspek van IFRS wat Remgro beïnvloed is die verwydering van klandisiewaarde-amortisasie uit die inkomstestaar. Soos vermeld in die 2005 jaarstate, het Remgro IFRS 3 (RE 140): *Besigheidsamevoegings* met ingang van 1 April 2004 geïmplementeer. Vanaf hierdie datum word klandisiewaarde nie meer geamortiseer nie, maar getoon teen koste minus opgehoopte waardedalingsverliese.

Die enigste uitsondering is klandisiewaarde wat steeds deur sekere geassosieerde maatskappye geamortiseer en verantwoord is in Remgro se 2005 finansiële jaarstate. Dit was hoofsaaklik as gevolg van verskillende jaareindes van maatskappye wat latere inwerkingtrekking van nuwe rekeningkundige standarde veroorsaak. Die implementering van IFRS het egter veroorsaak dat alle geassosieerde maatskappye nou ook IFRS 3 toepas en dus is Remgro se gedeelte van hul klandisiewaarde-amortisasie uit die inkomstestaar verwyder.

Hierdie aanpassings is ingesluit in die lynitem, "Geassosieerde maatskappye".

Huurooreenkomste

IAS 17 vereis dat bedryfshuurinkomste en -uitgawes op 'n reguitlynbasis verantwoord word. Toekomstige toenames in huur, soos voorgeskryf in die huurkontrak, word bepaal en die gemiddelde huurinkomste of -uitgawe word in gelyke hoeveelhede oor die huurtermyn erken. In die algemeen lei dit daartoe dat bedryfshuurinkomste en -uitgawes vroeër erken word as met die vorige industriepraktiek in Suid-Afrika, waarvolgens inkomste en uitgawes erken is teen die konstante, reële opbrengskoers van die netto kontantbelegging in die huurkontrak.

Die IAS 17-aanpassing is ingesluit in die lynitems "Ander" en "Geassosieerde maatskappye".

Rekonsiliasie van ekwiteit van vorige SA AARP na IFRS

	31 Maart 2005	30 Sept 2004	1 April 2004
	R'm	R'm	R'm

EKWITEIT

Soos voorheen gerapporteer			
ingevolge SA AARP	36 971	33 639	31 411
Vorige jaar aansuiwerings	21	(69)	15
Hersaamgestel ingevolge SA AARP	36 992	33 570	31 426
IFRS aansuiwerings	(106)	(119)	(458)
Aftreevoordele	(1)	–	2
Eiendom, aanleg en toerusting	99	100	93
Geassosieerde maatskappye	(193)	(208)	(542)
Ander	(11)	(11)	(11)

Soos gerapporteer ingevolge IFRS	36 886	33 451	30 968
----------------------------------	--------	--------	--------

Rekonsiliasie van inkomstestate van vorige SA AARP na IFRS

WINS TOESKRYFBAAR AAN EKWITEITHOUERS VAN DIE MAATSKAPPY		WESENSVERDIENSTE	
Jaar geëindig 31 Maart 2005	Ses maande geëindig 30 Sept 2004	Jaar geëindig 31 Maart 2005	Ses maande geëindig 30 Sept 2004
R'm	R'm	R'm	R'm
Soos voorheen gerapporteer			
ingevolge SA AARP	8 807	3 622	4 982
Vorige jaar aansuiwerings	5	9	5
Hersaamgestel ingevolge SA AARP	8 812	3 631	4 987
IFRS aansuiwerings	(253)	305	19
Aftreevoordele	(2)	(1)	(2)
Eiendom, aanleg en toerusting	4	4	4
Geassosieerde maatskappye			
– Uitsonderlike items	(272)	317	–
– Ander	25	(11)	25
Aandeelgebaseerde betalings	(8)	(4)	(8)

Soos gerapporteer ingevolge IFRS	8 559	3 936	5 006	2 459
----------------------------------	-------	-------	-------	-------

Soos gerapporteer ingevolge IFRS	8 559	3 936	5 006	2 459
----------------------------------	-------	-------	-------	-------

Die gedetailleerde IFRS Oorgangsverslag sal ingesluit word in die tussenverslag wat aan aandeelhouers geops sal word en sal ook dan op die webwerf beskikbaar wees.

DIREKSIE

Nie-uitvoerende direkteure

Johann Rupert (Voorsitter), E de la H Hertzog (Ondervoorsitter), PE Beyers, GD de Jager*, JW Dreyer, PK Harris*, E Molobi*, JF Mouton*, D Prins*, F Robertson* (*Onafbanklik)

Uitvoerende direkteure

MH Visser (Hoofuitvoerende beampte), W E Bührmann, D M Falck, J A Preller (mev), T van Wyk

MAATSKAPPY-INLIGTING

Sekretaris

M Lubbe (mev)

Notering

JSE Beperk

Sektor: Finansiële – Beleggingsmaatskappye

American depositary receipt (ADR) program

Cusip nommer 75956M107 ADR tot gewone aandeel 1 : 1

Depositaris

The Bank of New York, 101 Barclay Street, New York NY 10286

Sake-adres en geregistreerde kantoor

Carpe Diem Kantoorgebou, Quantumstraat
Tegnopark, Stellenbosch 7600
(Posbus 456, Stellenbosch 7599)

Oordragsekretaris

Computershare Investor Services 2004 (Edms) Beperk
Marshallstraat 70, Johannesburg 2001
(Posbus 61051, Marshalltown 2107)

Ouditeure

PricewaterhouseCoopers Ing.
Stellenbosch

Borg

Rand Aksepbank ('n Deel van FirstRand Bank Beperk)